

STATUT
I SHOQËRISË ME PËRGJEGJËSI TË KUFIZUAR
“Tulipani Fr 2020” SH.P.K

Sot më datë 09 Mars 2020, themeluesi, Isa Ademi ka krijuar një shoqëri me përgjegjësi të kufizuar me emrin “ Tulipani Fr 2020” shpk

Themeluesi i shoqërisë është:

Isa Qani Ademi i lindur më 11/02/1969 në Fier Lagjja 16 Prilli, Shqipëri, mbajtës i letërnjoftimit ID nr.G90211071S, madhor me zotësi të plotë juridike dhe për të vepruar;

Vendosi themelimin e shoqëri ‘Tulipani Fr 2020’ me termat si me poshtë:

Neni 1:

Objekti

Shoqëria do të zhvillojë aktivitetin e saj në fushat: Veprimtarisë financiare të transferimit të parave në emër dhe për llogari të subjektit financiar jo bankë. Siguracione, Këmbim valutash, Agjenci udhëtimi. Veç kësaj, në përputhje me legjislacionin shqiptar, Shoqëria mund të kryejë çdo veprimtari që rezulton ose që lidhet në mënyrë të drejtpërdrejtë ose të tërthortë me objektivin e mësipërm.

Neni 2:

Emri dhe selia e shoqërisë

Shoqëria është person juridik privat. Shoqëria do të paraqitet në qarkullimin juridik-civil me emërtimin e saj ‘Tulipani Fr 2020’ shpk.

Selia e shoqërisë tregtare private “Tulipani Fr 2020” sh.p.k do të jetë me adresë në ZK 8532 me numër pasurie 5/18-N9, lagjja Konferenca e Pezës, rruga Jakov Xoxa, Fier. Shoqëria ka të drejtë të ndryshoj selinë e saj në një adresë dhe/ose në një qytet tjetër të Shqipërisë. Shoqëria mund të hapë degë të saj ose zyra përfaqësimi kudo brenda ose jashtë territorit të Republikës së Shqipërisë.

Selia e Shoqërisë nuk mund të përdoret nga shoqëri apo persona të tretë, pa miratimin paraprak të Ortakëve të Shoqërisë.



Neni 3:**Kohëzgjatja**

Kohëzgjatja e Shoqërisë është e pakufizuar.

Neni 4:**Regjimi Juridik**

Shoqëria udhëhiqet nga parimet e ekonomisë së tregut. Ajo respekton parmin e reciprocitetit.

Ajo do të organizohet si një shoqëri me përgjegjësi të kufizuar (Shpk).

Veprimtaria e saj i nënshtrohet dispozitat e Aktit se Themelimit, Statutit si dhe dispozitave të legjislacionit tregtar e atij civil në fuqi.

Kreu II**Kapitali****Neni 5:****Kapitali themeltar**

Kapitali themeltar fillestar i shoqërisë është 100.000 USD (Njëqindë mijë) dollar. Pjesëmarrja e themeluesve në kapitalin e shoqërisë është në përputhje me kontributet e tyre të mëposhtme:

Ortaku themelues Isa Ademi: Zotërues i 1 (një) kuote me vlerë të përgjithshme 100.000 (Njëqinde mijë) dollar që përbën 100% të kapitalit themeltar të shoqërisë.

Neni 6:**Zmadhimi dhe zvogëlimi i kapitalit**

Kapitali i shoqërisë mund të zmadhohet nëpërmjet nënshkrimeve të pjesëve të kapitalit themeltar për kontributet në para dhe me anë të kontributeve në natyrë, nëpërmjet emërimit nga gjykata kompetente e një eksperti të autorizuar për këto kontribute sipas kërkesës së administratorit.

Në asnjë rast shumica nuk mund të detyroj një ortak për të rritur angazhimin e tij në kapitalin themeltar të shoqërisë.

Zvogëlimi i kapitalit lejohet nga asambleja e ortakëve, e cila merr vendim me të njëjtat kushte që kërkohen për ndryshimin e statutit.

Në të gjitha rastet zvogëlimi i prek ortakët në të njëjtën masë ndaj pjesëve të kapitalit që përfaqësojnë.

Neni 7:

Transferimi i kapitalit

Kuotat e kapitalit themeltar të një shoqërie me përgjegjësi të kufizuar e të drejtat që rrjedhin prej tyre mund të fitohen apo kalohen nëpërmjet:

- a) kontributit në kapitalin e shoqërisë;
- b) shitblerjes;
- c) trashëgimisë;
- d) dhurimit;
- e) cdo mënyre tjetër të parashikuar me ligj.

Pjesët e kapitalit themeltar janë lirisht të transferueshme ndërmjet ortakëve, për sa nuk parashikohet ndryshe në statut.

Pjesët e kapitalit themeltar janë lirisht të trashëgueshme në rrugë trashëgimie

Kreu III

Organet vendimmarrëse dhe drejtuese

Neni 8:

Organi vendimmarrës

Asambleja e ortakëve është organi i vetëm vendimmarrës i shoqërisë.

Asambleja e ortakëve është organi i vetëm vendimmarrës i shoqërisë që miraton cdo ndryshim të statutit sipas modaliteteve të përcaktuara në ligj.

Asambleja e Ortakëve është përgjegjëse për marrjen e vendimeve për Shoqërinë për çështjet e mëposhtme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin dhe shkarkimin e Administratorit;
- d) emërimin dhe shkarkimin e likujduesve dhe të ekspertëve kontabël të autorizuar;
- e) përcaktimin e shpërblimeve për personat e përcaktuar në shkronjat “c” dhe “d” të kësaj pike;
- f) mbikqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- g) miratimin e pasqyrave financiare vjetore dhe të raporteve të ecurisë së veprimtarisë;
- h) zmadhimin dhe zvogëlimin e kapitalit;
- i) pjesëtimin e kuotave dhe anulimin e tyre;
- j) Përfaqësimin e shoqërisë në gjykatë dhe në procedimet e tjera ndaj administratorëve;
- k) riorganizimin dhe prishjen e shoqërisë;
- l) çështje të tjera të parashikuara nga ligji apo statuti.

Ortaku mund të përfaqësohet në asamblenë e ortakëve në bazë të një autorizimi nga një ortak tjetër apo nga një person i tretë.

Administratori i shoqërisë nuk mund të veprojë si përfaqësues i ortakëve në asamblenë e ortakëve.

Autorizim mund të jepet vetëm për një mbledhje të asamblesë së ortakëve, e cila përfshin edhe mbledhjet vijuese me të njëjtin rend dite.

Neni 9:

Mënyra e thirrjes së asamblesë së ortakëve

Asambleja e Ortakëve thirret nëpërmjet një njoftimi me shkresë ose, nëse parashikohet nga statuti, me njoftim nëpërmjet postës elektronike. Njoftimi me shkresë apo me mesazh elektronik duhet të përmbajë vendin, datën, orën e mbledhjes e rendin e ditës dhe tu dërgohet të gjithë ortakëve jo me vonë se 7 ditë përpara datës së parashikuar për mbledhjen e Asamblese.

Kur asambjela e ortakëve nuk është thirrur sipas pikës 1 të këtij neni, ajo mund të marrë vendime të vlefshme vetëm nëse të gjithë ortakët janë dakort, për të marrë vendime, pavarësisht rregullsisë.

Neni 10:

Marrja e vendimeve

Asambjela e ortakëve vendos me shumicën e votave të ortakëve pjesëmarrës për çështjet e mëposhtme:

- a) përcaktimin e politikave tregtare të shoqërisë;
- b) ndryshimet e statutit;
- c) emërimin dhe shkarkimin e Administratorit;
- d) emërimin dhe shkarkimin e likujduesve dhe të ekspertëve kontabël të autorizuar;
- e) përcaktimin e shpërblimeve për personat e përcaktuar në shkronjat "c" dhe "d" të kësaj pike;
- f) mbikqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë së veprimtarisë;
- g) miratimin e pasqyrave financiare vjetore dhe të raporteve të ecurisë së veprimtarisë;
- h) zmadhimin dhe zvogëlimin e kapitalit;
- i) pjesëtimin e kuotave dhe anulimin e tyre;
- j) Përfaqësimin e shoqërisë në gjykatë dhe në procedimet e tjera ndaj administratorëve;
- k) riorganizimin dhe prishjen e shoqërisë;
- l) çështje të tjera të parashikuara nga ligji apo statuti.

Të gjitha vendimet e Ortakëve do të regjistrohen në regjistrin e vendimeve. Një vendim i paregjistruar në këtë regjistër do të quhet i pavlefshëm.



Neni 11:
Administrimi

Asambleja emëron 1 ose më shumë persona fizik si administratorë të shoqërisë. Afati i emërimit është 5 vjet me të drejtë ripërtëritje. Emërimi i administratorëve prodhon efekte pas regjistrimit në Qendrën Kombëtare e Biznesit. Në momentin e regjistrimit të këtij Statuti, Shoqëria drejtohet nga një Administrator.

Administrator i Shoqërisë është:

Z. Isa Ademi lindur më 11/02/1969 në Fier, Shqipëri, mbajtës i letërnjoftimit ID nr.G90211071S, , Shqipëri.

Afati i emërimit të Administratorit përfundon më 09 Mars 2025. Administratori mund të riemërohet pas përfundimit të këtij afati pa asnjë kufizim.

Ortakët kanë të drejtë të shkarkojnë Administratorin në çdo kohë.

Administratori shpërblehet në bazë të skemës së vendosur nga Ortakët në përputhje me parashikimet e Nenit 97 të Ligjit për Shoqëritë.

Neni 12:
Kompetencat e administratorit

Administratori ka të drejtë dhe detyrohet të:

- a) kryej të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga Asambleja e Ortakëve; përfaqësoj Shoqërinë në marrëdhënie me të tretët;
- b) kujdeset për mbajtjen e saktë dhe të rregullt të dokumentave dhe librave kontabël të shoqërisë;
- c) përgatis dhe nënshkruaj bilancin vjetor, bilancin e konsoliduar dhe raportin e ecurisë së veprimtarisë dhe, së bashku me propozimet për shpërndarjen e fitimive i paraqet këto dokumente përpara Ortakëve për miratim;
- d) krijoj një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
- e) kryej regjistrimet dhe dërgoj të dhënat e detyrueshme të Shoqërisë, siç parashikohet në ligjin për Qendrën Kombëtare e Biznesit;
- f) raportoj përpara Ortakëve, në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e Shoqërisë;
- g) Kryej detyra të tjera të përcaktuara nga ligji dhe Ortakët.

Administratorët janë të detyruar të thërsin asamblene e ortakëve kur sipas bilancit vjetor apo raporteve të ndërmjetme financiare, rezulton se ekziston rreziku që aktivitetet e shoqërisë nuk i mbulojnë detyrimet e kërkueshme brenda 3 muajve në vazhdim.



Shoqëria do të mbaj një regjistër të vendimeve nën kujdesin e Administratorit me qëllim reflektimin e çdo vendimi të Ortakëve.

Neni 13:

Përgjegjësia e administratorit

Administratori është përgjegjës individualisht ndaj shoqërise apo të tretëve, për shkelje të ligjeve, për shkelje të statutit apo për faje të kryera gjatë administrimit të shoqërisë.

Pasojat e marrëveshjeve të pamiratuara nga asambleja që i sjellin dëm shoqërisë, I ngarkohen administratorit dhe ortakut që ka nënshkruar marrëveshjen për të përballuar në mënyrë individuale ose solidarisht sipas rastit pasojat përkatëse.

Përvec sa është parashikuar në dispozitat e përgjithshme të detyrimit të besnikërisë, sipas neneve 14, 15, 17 e 18 të ligjit për “Tregtarët dhe shoqëritë tregtare”, administrator detyrohet:

1.

- Të kryejë detyrat e tij të përcaktuara në ligj, në mirëbesim dhe në interesim më të mirë të shoqërisë në tërësi, duke i kushtuar vëmendje të vecantë ndikimit të veprimtarisë së shoqërisë në mjedis;
- Të ushtrojë kompetencat që i njihen në ligj dhe në statut vetëm për arritjen e qëllimeve të përcaktuara në këto dispozita;
- Të vlerësoj me përgjegjësi çështjet për të cilat merret vendim;
- Të parandaloj dhe të mënjanoj rastet e konfliktit, present apo të mundshëm, të interesave personal me ato të shoqërisë;
- Të ushtrojë detyrat e tij me profesionalizëm dhe kujdesin e nevojshëm.

2. Administratori gjatë kryerjes së detyrave të tij përgjigjet ndaj shoqërisë për cdo veprim apo mosveprim, që lidhet në mënyrë të arsyeshme me qëllimet e shoqërisë tregtare, me përjashtim të rasteve kur, në bazë të hetimit dhe vlerësimit të informacioneve përkatëse, veprimi ose mosveprimi është kryer në mirëbesim.

3. Nëse administratori vepron në kundërshtim me detyrat dhe shkel standartet profesionale, sipas pikave 1 e 2 të këtij neni, është i detyruar ti dëmshpërblejë shoqërisë dëmet, që rrjedhin nga kryerja e shkeljes, si dhe të kalojë cdo fitim personal që ata apo personat e lidhur me ta kanë realizuar nga këto veprime të parregullta. Administratori ka provën e barrës për të vërtetuar kryerjen e detyrave të tij në mënyrë të rregullt e sipas standarteve të kërkuara.

4. Në mënyrë të vecantë, por pa u kufizuar në to, administrator është i detyruar ti dëmshpërblejë shoqërisë dëmet e shkaktuara, nëse, në kundërshtim me dispozitat e ligjit për “Tregtarët dhe shoqëritë tregtare”, kryen veprimet e mëposhtme:

- a) u kthen ortakëve kontributet;
- b) u paguan ortakëve interesa apo dividend;
- c) u shpërndan aktivet shoqërisë;



- d) lejon që shoqëria të vazhdojë veprimtarinë tregtare, kur, në bazë të gjendjes financiare, duhej të parashikohej që shoqëria nuk do të kishte aftësi paguese për të shlyer detyrimet;
- e) jep kredi.

Përvec padisë për shlyerjen e dëmit që i ngarkohet personalisht administratorit, ortakët individualisht ose së bashku, kanë të drejtë të ngrenë padi penale kundër administratorit.

Paditësit kanë të drejtë të ndjekin në rrugë ligjore shlyerjen e plotë të dëmit që i është shkaktuar shoqërisë, përfshirë edhe dëmshpërblimin financiar, nëse është e nevojshme.

Kreu IV

Viti financiar ekspertët

Neni 14 :

Viti financiar

Viti financiar i Shoqërisë fillon më 1 Janar dhe përfundon më 31 Dhjetor. Përfundimisht, viti i parë financiar fillon nga data e regjistrimit të Shoqërisë në Qendrën Kombëtare e Biznesit dhe mbyllet me 31 Dhjetor.

Neni 15 :

Ekspertët

Ekspertët ka për detyrë që të kontrollojë gjithë dokumentacionin kontabël të veprimtarisë ekonomiko tregtare të shoqërisë, atë gjithë vjetor dhe atë në lidhje me kontrollet periodike të ushtruar prej tij për rastet kur ai është ngarkuar dhe ka kryer një gjë të tillë i ngarkuar nga ana e ortakëve.

Në përfundim të kontrollit eksperti kontabël i autorizuar përgatit raportin me shkrim për nxjerrjen e rezultatit të bilancit financiar vjetor si dhe për atë për kontrollet periodike të ushtruar, të cilat është i detyruar që t'ja paraqesë e dorëzojë në kohë ortakëve për ti shqyrtuar e miratuar mbi bazën e të drejtës vendimore që ka.



Neni 16 :**Mbajtja e llogarive**

Shoqëria do mbajë llogaritë në Lekë dhe në monedhë të huaj.

Kreu V**Prishja dhe riorganizimi i shoqërisë****Neni 17 :****Prishja dhe likuidimi**

Shpërndarja dhe prishja e shoqërisë mund të bëhet ne cdo kohë :

- a) me Vendim të Ortakëve;
- b) hapjen e një procedure falimentimi/likuidimi;
- c) me vendim gjykate;
- d) për arsye të tjera të parashikuara nga Ortakët në çdo kohë.

Neni 18 :**Riorganizim i shoqërisë bashkim-ndarja**

Shoqëria mund të ndahet, bashkohet sipas Vendimit të mbledhjes së ortakëve, në përputhje me dispozitat ligjore të parashikuara në Pjesën IX të ligjit 9901, datë 14.04.2012 “Për tregtarët dhe shoqëritë tregtare”.

Neni 19:**Baza ligjore**

Shoqëria do të zhvillojë aktivitetin e tij në përputhje të plotë me këtë statut dhe dispozitat e legjisllacionit shqiptar.

Për sa nuk parashikohet në këtë statut, do të zbatohen dispozitat e ligjit “Për tregtarët dhe shoqëritë tregtare”, Kodi Civil dhe cfaredo ligji tjetër specifik në Republikën e Shqipërisë.

Neni 20:**Mosmarrëveshjet**

Për mosmarrëveshjet që mund të lindin në lidhje me zbatimin apo interpretimin e këtij statuti, si dhe për cdo mosmarrëveshje që mund të lind midis shoqërisë dhe të tretëve, do të jetë kompetente Gjykata Shqiptare.




ORTAKU I SHOQËRISË ME PËRGJEGJËSI TË KUFIZUAR

“Tulipani Fr 2020” SH.P.K

Ortaku:

Isa Ademi

A handwritten signature in black ink, appearing to be 'Isa Ademi', written over the printed name.